

खबरां

- देश च माली बरे 2025-26 च असल सकल घरेलू उत्पाद-जीडीपी वृद्धि दर 7 अशारिया चार प्रतिशत रौहने दी मेद ऐ।
- प्रधानमंत्री नरेन्द्र मोदी होरें महत्वाकांक्षी भारत, आकांक्षी युवा ते आत्मनिर्भर भारत आस्तै भारत-यूरोपीय संघ मुक्त व्यापार समझौते दे महत्व पर लौहू पाई। श्री मोदी होरें निर्माताएं सोयां नमें खुल्ले बाजारें च सर्वोत्तम गुणवत्ता आहले उत्पादें गी लेई जाने दे मौके दा लाहू ठोआने लेई आक्खएआ।
- सर्वोच्च न्यायालय नै विश्वविद्यालय अनुदान आयोग दे नमें समानता संबंधी नियमें पर रोक लाई।
- महाराष्ट्र दे उपमुख्यमंत्री ते राष्ट्रवादी कांग्रेस पार्टी (एनसीपी) प्रमुख अजित पवार हुन्दा खीरी संस्कार अज्ज पुणे जिले दे बारामती च पूरे राजकीय सम्मान कन्नै कीता गेआ। बेटे पर्थ पवार ते जय पवार नै पिता गी मुखाग्नि दिती
- 77में गणतंत्र दिवस समारोह दे समापन दा प्रतीक बीटिंग रिट्रीट समारोह नमी दिल्ली दे विजय चौक पर आयोजित।
- महिला प्रीमियर लीग- डब्ल्यूपीएल क्रिकेट च अज्ज संजा गुजरात दे कोटंबी स्थित वडोदरा अंतरराष्ट्रीय क्रिकेट स्टेडियम च यूपी वॉरियर्स दा मुकाबला रॉयल चैलेंजर्स बेंगलुरु कन्नै होग।



Eco Survey

देश च माली बरे 2025-26 च असल सकल घरेलू उत्पाद-जीडीपी वृद्धि दर 7 अशारिया चार प्रतिशत रौहने दी मेद ऐ। माली बरे 2026-27 च वृद्धि दर 6 अशारिया 8 सोयां सात अशारिया दो प्रतिशत बश्कार रेई सकदी ऐ। एह अनुमान अज्ज संसद च केंद्रीय खजाना मंत्री निर्मला सीतारामन आस्सेआ पेश आर्थिक सर्वेक्षण च जाहिर कीता गेआ। आर्थिक सर्वेक्षण मूजब, भारतीय अर्थव्यवस्था नै माली बरे 2025-26 च वृद्धि दी मजबूत गति बनाई रखेआ ऐ। पैहले अग्रिम अनुमानें मूजब, असल जीडीपी वृद्धि दर 7 अशारिया 4 प्रतिशत रौहने दा अनुमान ऐ, जिसदे च घरेलू मंग दा महत्वपूर्ण योगदान ऐ। निजी उपभोग ते पूंजी निर्माण सोयां बाद्दे गी समर्थन थ्होआ र दा ऐ। जिसलै कि आपूर्ति पक्ख च सेवाएं दा योगदान प्रमुख बने दा ऐ। विनिर्माण गतिविधि मजबूत होई ऐ ते कृषि क्षेत्र नै स्थिरता प्रदान कीती ऐ। सर्वेक्षण च आक्खेआ गेया ऐ जे भू-राजनीतिक तनाव ते प्रमुख अर्थव्यवस्थाएं च व्यापार व्यवधानें करी वैश्विक आर्थिक माहौल अनिश्चित बने दा ऐ। हालांकि नेडे भविक्ख च वैश्विक आर्थिक गतिविधियें च प्रतिकूल परिस्थितियें बश्कार बी स्थिरता दिखी ऐ। आर्थिक सर्वेक्षण मूजब देशै दा हाल दा आर्थिक प्रदर्शन दर्शान्दा ऐ जे वैश्विक उथल-पुथल दे बावजूद व्यापक आर्थिक

स्थिरता ते वृद्धि गी बनाई रखेआ जाई सकदा ऐ। अनुकूल मानसून परिस्थितियें दे सहयोग कन्नै माली बरे 2025-26 च कृषि ते संबद्ध गतिविधियें दी वृद्धि 3 अशारिया इक प्रतिशत रौहने दा अनुमान ऐ। औद्योगिक गतिविधियें च गति मजबूत बनी रौहने दी संभावना ऐ, जिसे जीएसटी दे युक्तिसंगत होने ते मंग मूजब स्थितियां बनने कन्ने बल थहोग। सर्वेक्षण च आक्खेआ गेआ ऐ जे उपभोक्ता मूल्य सूचकांक पर आधारित कुल महंगाई दर घटिए इक अशारिया 7 प्रतिशत रेई गेई ऐ, जिसदी मुख बजह सब्जियें ते दालें दी कीमते च सुधार रेआ ऐ। सर्वेक्षण मूजब, मुद्रास्फीति दी स्थिति अनुकूल बनी रौहने दा अनुमान। इसदे कन्नै आपूर्ति-पक्ख दी अनुकूल परिस्थितियें ते जीएसटी दरें दे युक्तिसंगत होने कन्नै समर्थन हासिल होग।

<><><><><><>

### PM FTA

प्रधानमंत्री नरेन्द्र मोदी होरें आक्खेआ ऐ जे भारत-यूरोपीय संघ मुक्त व्यापार समझौता आत्मविश्वासपूर्ण, प्रतिस्पर्धी ते उत्पादक भारत दी दिशा च इक महत्वपूर्ण गें ऐ। बजट सत्र दे दूऐ दिन अज्ज नमी दिल्ली स्थित संसद भवन परिसर च संवाददाताएं गी सम्बोधित करदे होई मोदी होरें एह गल्ल आक्खी। इस क्वार्टर दे शुरुआत च गै भारत ते यूरोपीय यूनियन दा प्रीपेड एग्रीमेंट औने आहली दिशा किन्नियां उज्जवल न उसदी इक झलक ऐ। एह फ्री ट्रेड फॉर एम्बिशियस भारत ऐ, एह फ्री ट्रेड फॉर एसपिरेशनल यूथ ऐ, एह फ्री ट्रेड फॉर आत्मनिर्भर भारत ऐ।

<><><><><><>

### PM-Reforms

प्रधानमंत्री नरेन्द्र मोदी होरें आक्खेआ ऐ जे साढा देश हुन लम्मी अवधि थमां बकाया पेदी समस्याएं थमां अगगे बधदे होई लम्मी अवधि आहले समाधानें दी बत्ता पर तगडेआई कन्नै अगगे बधा करदा ऐ। उ'नें आक्खेआ जे उ'दी सरकार सुधार, कारकरदगी ते बदलाव आले सिद्धांतें पर केंद्रित ऐ ते देश हुन सुधार दी बत्ता पर टुरी पेदा ऐ। बजट इजलास दे दुए ध्याडे अज्ज नमी दिल्ली च स्थित संसद भवन परिसर च संवाददाताएं गी संबोधित करदे होई श्री मोदी होरें आक्खेआ जे सरकारै कल्याण आली योजनाएं गी अखीरले कोने तगर पुजाने पर चेचा जोर दित्ता ऐ। उ'नें आक्खेआ जे 2047 तगर विकसित भारत दा लक्ष्य हासिल करने लेई अगले 25 ब'रे बडे महत्वपूर्ण होडन। श्री मोदी होरें आक्खेआ जे कल संसद दे दौनें सदनें च राष्ट्रपति हुंदा अभिभाषण देशै दे 140 करोड़ लोकें दे विश्वास दी अभिव्यक्ति ही।

<><><><><><>

### Goyal FTA

पीयूष गोयल होरें भारत-यूरोपीय संघ मुक्त व्यापार समझौते पर कांग्रेस नेता जयराम रमेश हुन्दे आस्सेआ कीती गेदी आलोचना गी सिरे सोयां खारिज करदे होई आक्खेआ ऐआ जे एह समझौता भारत ते यूरोपीय संघ दोनें आस्तै लाहूकारी ऐ। गोयल होरें आक्खेआ जे उने लोकें दी आलोचना दिखिए हैरानी हुन्दी ऐ जेडे सत्ता च रौहन्दे होई समे पर फैसले नेई लेई सकै। उने सोशल मीडिया पोस्ट च आक्खेआ जे अतीत च देशै गी ऐसी निष्क्रियता दी भारी कीमत चुकानी पेई ऐ। श्री जयराम



## WB Border Districts

निर्वाचन आयोग नै पश्चिम बंगाल च मतदाता सूची दी विशेष गहन पुनरीक्षण सुनवाई प्रक्रिया गी तय सभे सीमा दे अन्दर पूरा करने आस्तै राज्य गी हर रोज 7 सोयां 8 लख मतदाताएं दी सुनवाई करने दा निर्देश दिता ऐ। राज्य दे मुख् चुनाव अधिकारी दे दफतरे सोयां जिला निर्वाचन अधिकारियें दे कन्ने कन्ने सुनवाई च शामिल अधिकारियें ते कर्मचारियें गी निर्देश जारी कीते गए ना।

<><><><><><>

## Speaker CSPOC

लोकसभा अध्यक्ष ओम बिरला होरें अज्ज सदन गी राष्ट्रमंडल अध्यक्षें ते पीठासीन अधिकारियें दे सम्मेलन-सीएसपीओसी 2026 दे सफल आयोजन दी जानकारी दिती। उने दस्सेआ जे 14 सोयां 16 जनवरी तक आयोजित 28मां सीएसपीओसी सम्मेलन इक बड्डी सफलता साबित होआ। श्री बिरला होरें आक्खेआजे एह सम्मेलन 16 बरें दे बक्फे मगरा भारत च आयोजित कीता गया। यह सम्मेलन 53 राष्ट्रमंडल देशों ते 14 अर्ध-स्वायत्त संसदें दे अध्यक्ष ते पीठासीन अधिकारियें गी इक मंच पर लेईए औन्दा ऐ।—

<><><><><><>

## IAFMM

भारत 31 जनवरी गी भारत-अरब विदेश मंत्रियें दे दूए सम्मेलन दी मेजबानी करोग। इसदी सह-अध्यक्षता भारत ते संयुक्त अरब अमीरात करडन। अरब लीग दे होर सदस्य देशें दे विदेश मंत्री ते अरब लीग दे महासचिव बी इसदे च हिस्सा लैडन।

<><><><><><>

## Haj Self Booking

भारत दी हज कमेटी नै सहूलत, पारदर्शिता ते परिचालन बधाने दे मकसद कन्नै इक गॅड पुट्टी ऐ जेदे च हज 2026 दे तीर्थ यात्रियें आस्तै आनलाइन सेल्फ बुकिंग दी सुविधा दिती गई ऐ। हज कमेटी दे इक सर्कुलर दे मताबक हज जाने आहले यात्री हुन हज सुविधा ऐप दा फही .. पर लागिन करिये अपनी डोआरी बुक करी सकदे ना। एह वैकल्पिक सुविधा अज्जै थमां शुरू होई जेड़ी अगले 4 दिनें तगर उपलब्ध रौह्ग। एहदा मकसद यात्रियें लेई सहूलत जियां के एयरलाइन संचालन दे अंदर पसंदीदा यात्रा कार्यक्रम चुनने च मदाद मिलग।

<><><><><><>

## Amnesty International

एमनेस्टी इंटरनेशनल नै बांग्लादेश दी अंतरिम सरकार गी सखत चेतावनी दिन्दे होई उस पर मूलभूत अधिकारें दी रक्षा करने च विफल रौहने दा आरोप लाया ऐ ते अगले महीने राष्ट्रीय चुनाव सोयां पैहले सुधारात्मक कार्रवाई करने दा आग्रह कीता ऐ। बांग्लादेश दे मुख् सलाहकार मोहम्मद युनुस गी लिखे दी खुल्ली चिट्ठी च एमनेस्टी इंटरनेशनल दी महासचिव एग्नेस कैलामार्ड होरें आक्खेआ जे अंतरिम प्रशासन जन विश्वास हासिल करने च असफल रेआ ऐ।

## Beating Retreat

77में गणतंत्र दिवस समारोह दे समापन दा प्रतीक बीटिंग रिट्रीट समारोह नमी दिल्ली दे विजय चौक पर आयोजित होआ। राष्ट्रपति द्रौपदी मुर्मु, उपराष्ट्रपति सी.पी. राधाकृष्णन, प्रधानमंत्री नरेन्द्र मोदी, रक्षा मंत्री राजनाथ सिंह ते केंद्रीय मंत्री इस समारोह च शामिल हे। इसदे च भारतीय सेना, नौसेना, वायु सेना ते केंद्रीय सशस्त्र पुलिस बलें दे बैंड प्रस्तुति देआ र दे ना। इस बरे, विजय चौक पर मेहमाने दे बैठने दी थाहरें दा ना भारतीय संगीत वाद्ययंत्रें दे नां पर रखेआ गया ऐ। एह देशै दी समृद्ध सांस्कृतिक विरासत गी दर्शान्दा ऐ।

## R-Day Results

गणतंत्र दिवस परेड 2026 दे बेहतरिन मार्च-पास्ट दल ते बेहतरिन झांकियें दे नतीजें दी घोषणा करी दिती गई ऐ। त्रौनें सेनाएं च ऐकती भारतीय नौसेना गी बेहतरिन मार्चिंग दल घोषत कीता गया ऐ- जिसलै कि केन्द्री थेहारबंद बलें ते होरनें सहायक बलें च एह पुरस्कार दिल्ली पुलिस नै जित्तेया ऐ। राज्यें ते केन्द्र शासित प्रदेशें दी श्रेणी च महाराष्ट्र नै अपनी झांकी गणेशोत्सव आत्मनिर्भरता दा प्रतीक लेई पैहली थाहर हासल कीती ऐ- जिसलै जे जम्मू-कश्मीर दी झांकी दुए ते केरल दी झांकी गी त्रीऽ थाहर हासल होई ऐ।

## CM Uttarakhand CM

मुख्यमंत्री उमर अब्दुल्ला होरें उत्तराखंड च शॉल बेचने आले इक कश्मीरी नौजवान पर हमले दे मामले गी लेइयै उत्तराखंड दे मुख्यमंत्री पुश्कर सिंह धामी हुं'देनै गल्लबात कीती ते उ'नेंगी गुजारश कीती जे ओहू कसूरवारें दे खलाफ सख्त कार्रवाई करना। पुश्कर सिंह धामी होरें उमर अब्दुल्ला होरें'गी यकीन दोआया ऐ जे इस मामले च एफ.आई.आर दर्ज करने दे कन्नोकन्नी लोडचदी सख्त कार्रवाई कीती जाहग ते कन्नै जम्मू-कश्मीर दे बसनीकें दी सुरक्षा बी यकीनी बनाई जाहगा।

## Govt. Syllabus Concession

जम्मू-कश्मीर दी सरकारै जम्मू खित्ते दे सोए आहले जोन दे 10मीं, 11मीं ते 12मीं जमातें दे विद्यार्थियें लेई सालाना रेगुलर मतेयानें दे सलेबस च 15 फीसद छूट देने दा अज्ज ऐलान कीता ऐ। आकाशवाणी दे जम्मू संवाददाता दी रिपोर्ट मूजब इनें विद्यार्थियें गी दित्ती जा'रदी इस रियासत दा मकसद इस गल्लै गी यकीनी बनाना ऐ जे सालाना रेगुलर मतेयान दिंदे बेल्लै सोए आहले जोन दे इनें विद्यार्थियें गी कोई नुकसान नेई झल्लना पवै। ध्यानजोग ऐ जे खराब मौसम कारण पढाई च पेदे विघ्न ते पिछले ब'रे बने दे जंग जनेहू हालात गी दिखदे होई जम्मू खित्ते दे सोए आहले जोन दे 10मीं, 11मीं ते 12मीं जमातें दे विद्यार्थियें गी सालाना रेगुलर मतेयानें दे पाठ्यक्रम च 15 फीसद छूट देने दा एह फैसला लैता गेआ ऐ।

## Martyrs Day

सरकारै भारत दी आजादी दी लड़ाई दरान अपनी जिंदुएं दा बलिदान देने आले शहीदें दे चेतते च 30 जनवरी 2026 गी शहीदी ध्याड़े दे मौके पर द'ऊं मिंटें दा मौन रखने लेई दिशा-निर्देश जारी कीते ना। आकाशवाणी दे जम्मू संवाददाता दी रिपोर्ट मूजब सामान्य प्रशासनिक विभाग आसेआ निर्देश च सभनें प्रशासनिक सचिवें गी एह गुजारश कीती गेई ऐ जे ओह मुख सचिव हुं'दी मौजूदगी च 30 जनवरी गी दिनें 11 बजे द'ऊं मिंटें दा मौन रखने आले इस कार्यक्रम च शामिल होना। जम्मू च तैनात अधिकारिएं ते अमले गी बी आखेआ गेआ ऐ जे ओह सिविल सैक्ट्रेट जम्मू दी पैहली, दुई ते त्रीऽ मंजलें पर स्थित मीटिंग हालें च द'ऊं मिंटें दा मौन रक्खिये इस कार्यक्रमै च अपनी शमूलियत दर्ज करोआन।

## WPL

महिला प्रीमियर लीग- डब्ल्यूपीएल क्रिकेट च अज्ज संजा गुजरात दे कोटंबी स्थित वडोदरा अंतरराष्ट्रीय क्रिकेट स्टेडियम च यूपी वॉरियर्स दा मुकाबला रॉयल चैलेंजर्स बेंगलुरु कन्नै होगा। मैच शाम साढे सात बजे सोयां खेडेआ जाग।